

Script of Morning Gojri News Bulletin 11 January 2026 at 1015Hrs

مارننگ گو جری نیوز بلیٹن مورخہ 11 جنوری 2026

یوہ آکاشوانی جموں بے محمد امین انجم تیں خبر سنو۔

CM Pre Budget

وزیر اعلیٰ عمر عبداللہ نے کل بجٹ تیں پہلاں آلا مشاورت مانہہ حصو لیو۔ اس سلسلہ مانہہ مشاورت غی صدارت مرکزی وزیر خزانہ نرملا سیتھا رمن نے نویں دہلی مانہہ کی۔ وزیر اعلیٰ نے مرکزی بجٹ 27/2026 غا ضمن مانہہ کلیدی نقطہ نظر تے جموں کشمیر سرکا ر غی فکر مندی پیش کیں۔ انہاں نے یوٹی غی مالی مشکلات غو مقابلو کرن غی خاطر مضبوط ادارہ جا تی حمایت غی ضرورت ور زور پایو۔ وزیر اعلیٰ نے آتا بجٹ تیں جموں کشمیر غی بہبود غا سلسلہ مانہہ امید وی آجاگر کیں۔ اسے دوران پا رلیمنٹ غو بجٹ اجلا س اس مہینہ غی 28 تاریخ نانہہ شروع ہو رہیو بے ۔

JK Young Leader Dialogue

جموں کشمیر تیں 50 توں متا نوجوان ان 3 ہزار شرکائ مانہہ شامل ہیں جنہاں نانہہ پلک نوی دہلی مانہہ وکست بھارت ینگ لیڈر ڈائلگ مانہہ وزیر اعظم نریندر مو دی نال گل کرن غو موقعو ملے گو۔ اس تیں پہلاں لیفٹنٹ گو رنر منوج سنہا نے 7 جنوری نانہہ ورچول طریقہ نال یوٹی غا دستہ نانہہ جھنڈی دس غے روانہ کیو ، تے شرکائ نانہہ کہیو جے ویں اعتما د نال آگے بدھیں۔

Satish Mandaviya Award

نوجوان خدمات تے کھیڈاں گا وزیر ستیش شرما نے کل نویں دہلی مانہہ کھیڈاں گا مرکزی وزیر ڈاکٹر منسکھ ما نڈویا نال ملاقات کی تے جموں کشمیر مانہہ کھیڈاں با رے بنیا دی ڈھانچہ غا بابہہ غا سلسلہ مانہہ مدد منگی۔ اک مفصل یا داشت مانہہ انہاں نے جموں تے سرینگر مانہہ بین القوامی درجہ غی کرکٹ اسٹیڈیم تے کھیڈاں غے ذریعے نوجوان روز گا ر نانہہ بابدو دین واسطے خصوصی اسکیمان وغیرہ جیسی تجویز رکھیں۔ وزیر موصوف نے جموں کشمیر مانہہ آبی تے سرمائی کھیڈاں نانہہ حمایت دین با رے سہولیات وغیرہ غی وی مانگ کی۔ انہاں نے اعتماد ظاہر کیو بے جے کھیلو انڈیا نظریہ تے کھیڈاں با رے قومی ترقیاتی ایجنٹو جموں کشمیر مانہہ بھارت غو سربراہی کھیڈ مقام تے قابلیت مرکز قائم کرن مانہہ مدد کرے گو۔

JK MSME Award

جموں کشمیر غا صنعت و تجارت با رے محکمہ غی اک فلیگ شپ شروعات " جے کے ایم ایس ایم ای " صحت مرکز نانہہ کل نویں دہلی مانہہ منعقد سکاچ غا 104 واں اجلاس غے دوران اعلیٰ درجہ غو سکاچ گو لڈ ایوارڈ دتو گیو۔ صنعتاں با رے ڈائریکٹر جموں ڈاکٹر ارون منہاس نے جموں کشمیر سرکا ر غی طرفوں یوہ انعام وصول کیو۔

10th Datesheet

جموں کشمیر بورڈ برائے اسکولی تعلیم نے جموں ڈویژن غا گرمائی زون غا سالانہ ریگولر امتحان 2026 واسطے ڈیٹ شیٹ جاری کر دتی ہے۔ اس سلسلہ مانہہ 10ویں جماعت غا گرمائی زون غا طالب علمان غا امتحان 17 فروری نانہہ شروع ہو غے 10 ما رچ نانہہ ختم ہو جا نیں گا۔ امتحان غا تیہاڑاں مانہہ وقت سویر 10 بجا نیں بعد دوپہر 1 بجا تک مقرر کیو گیو ہے۔ طالب علمان نانہہ مشورو دتو گیو ہے جے ویں جے کے بو س غی سرکاری ویب سائٹ ور ڈیٹ شیٹ چیک کریں تے اس سلسلہ مانہہ

www.jkbose.nic.in

ور جا نیں۔ بورڈ نے طالب علمان نانہہ کہیو ہے جے ویں سنجیدگی نال امتحاناں غی تیار کرین تے امتحانات شفاف طریقہ نال منعقد کرانو یقینی بناویں۔

Lohri Festival

لوہری تہوار 2026 کل تاریخی مبارک منڈی وراثتی کمپلیکس جموں مانہہ منایو گیو۔ یوہ پروگرام محکمہ سیاحت نے ضلع انتظامیہ غا تعاون نال منعقد کیو۔ پروگرام مانہہ خطہ غی امیر ثقافتی وراثت اُجاگر کی گئی تے اسے طرح مقامی فنکاران نے روایتی چھجا ناچ، جاگرن تے دوجا ڈوگری متحرک لوک پروگرام پیش کیا۔ رکن پارلیمنٹ ست شرما، ایم ایل اے اے ویو سیٹھی تے سیاحت بارے ڈائریکٹر وکاس گپتا نے پروگرام مانہہ شرکت کی۔ اس موقع ور لوک موسیقی تے روایتی ناچ غے نال نال کنین اسٹال وی لایا گیا تھا۔

Road Safety Month

چل رہیا قومی سڑک حفاظت مہینہ غی ایکن حصہ غے طور ر ٹریفک پولیس نے ضلع قانونی خدمات اتھارٹی غا تعاون نال سیری بازار بھدرواہ مانہہ اک بیداری پروگرام منعقد کیو۔ اس موقع ڈی ایس پی ٹریفک فاروق خطیب نے اُن ڈرائیوراں مانہہ چاک لیٹ تقسیم کیا، جہیڑا تمام ٹریفک قاعدان ور عمل کر رہیا تھا۔ اس کا روایتی غو مقصد محفوظ ڈائیوننگ غی حوصلہ افزائی کرنو تھو۔ انہاں نے سڑک حادثہ کھٹ کرن غا مقصد نال سڑک پارے ذمہ دار برتانو غی اہمیت اُجاگر کی۔